

91652



916520



NEW ZEALAND QUALIFICATIONS AUTHORITY
MANA TOHU MĀTAURANGA O AOTEAROA

QUALIFY FOR THE FUTURE WORLD
KIA NOHO TAKATŪ KI TŌ ĀMUA AO!

3

SUPERVISOR'S USE ONLY

Level 3 Te Reo Māori, 2016

91652 Pānui kia mōhio ki te reo Māori o te ao whānui

2.00 p.m. Thursday 1 December 2016

Credits: Six

Paetae	Kaiaka	Kairangi
Pānui kia mōhio ki te reo Māori o te ao whānui.	Pānui kia mārama ki te reo Māori o te ao whānui.	Pānui kia mātau ki te reo Māori o te ao whānui.

Check that the National Student Number (NSN) on your admission slip is the same as the number at the top of this page.

You should attempt ALL parts of the task in this booklet.

If you need more room for any answer, use the extra space provided at the back of this booklet.

Check that this booklet has pages 2–8 in the correct order and that none of these pages is blank.

YOU MUST HAND THIS BOOKLET TO THE SUPERVISOR AT THE END OF THE EXAMINATION.

TOTAL

ASSESSOR'S USE ONLY

HEI MAHI: HE AROĀ PĀNUI

Ngā tohutohu

Āta pānuitia ngā kōrero kātahi whakautua ngā wāhanga katoa o te mahi kei ngā whārangi 3 ki te 6. Whakautua ki **te reo Māori anake**.

He taonga tuku iho

I tūwhera ngā tatau o te Kōhanga Reo tuatahi ki Wainuiomata i te tau 1982. He whakaruruhau mō ngā kōhungahunga kia hopu i te reo Māori me ōna tikanga i roto i ngā ringa atawhai o ō rātou kuia, ō rātou koroua, ō rātou mātua anō hoki. He kaupapa i whakatūria e te Māori mō te Māori, hei whakarauora i te reo Māori, kia rangona anō ai te reo Māori e kōrerohia ana i te ao, i te pō.

Nō muri mai i te pakanga tuarua o te ao i tīmata te hūnuku a te Māori ki ngā tāone mai i ngā marae kāinga. He mate nui tēnei i te mea i noho tawhiti atu rātou i ō rātou whānau. Nā wai rā, ka ngaro haere te reo Māori i waenganui i a rātou, ā, ka huri te tokomaha ki te reo Pākehā, te reo o ngā wāhi mahi, te reo o te ao hou i noho ai rātou. Ā, nō ā rātou tamariki te utu, ko te reo Pākehā anake tō rātou reo. I te tau 1973, he 20% noa iho ngā tāngata Māori i matatau ki te reo. Nā whai anō, i ara ake tētahi rautaki ki te whakarauora i te reo.

I āwangawanga ngā rangatira o te ao Māori o taua wā ki te āhua o te reo Māori, me tō rātou mōhio hoki me tere tā rātou whāngai i te reo ki ngā tamariki mokopuna kia whakarauora ai te reo. Nā Iritana Tawhiwhirangi mā te huarahi i para kia tū ai te Kōhanga Reo. I ngā tau 1970 he kaimahi ia mō te Tari Māori o te Kāwanatanga. Nā tōna tūranga i taea e ia te whakamahi i ngā rawa o te Kāwanatanga hei hāpai i te kaupapa nei. Nā te akiaki o ngā rangatira Māori i whakaritea e Iritana te tūāpapa mō te kaupapa nei hei tauira mō te motu whānui, nā reira i tīmata te Kōhanga Reo.

Nā ngā kaumātua o tēnā hapori, o tēnā hapori i kaha tautoko, kia kōrero Māori ki ngā mokopuna i ngā Kōhanga Reo, ā, tae atu ki ngā tau o ngā 1990 i tere tipu te Kōhanga Reo. I tōna tino taumata he 50% o ngā kōhungahunga Māori katoa i tukuna atu ki ngā Kōhanga Reo.

Heoi anō, tatū atu ana ki te tau 2015 kua tino heke iho ngā nama o ngā tamariki Māori kei ngā Kōhanga Reo. Kātahi te āhuatanga pōuri ko tēnei mō te orange tonutanga o tō tātou reo. Ka heke tonu ngā nama, ka heke hoki ngā nama o ngā tamariki e kōrero ana i te reo Māori. Ko te reo te mauri o te mana Māori. Ki te ngaro te reo, ka aha tātou? Mā wai ō tātou tikanga e kawe?

Ko ngā tamariki i akona ki ngā Kōhanga Reo, ā, ka whakawhiti ki ngā Kura Māori, ki ngā Kura Kaupapa Māori me ngā Wharekura ko rātou te whakatipuranga hou e whāngai ana i tō tātou reo Māori ki ā rātou tamariki. Ko te nuinga o ngā kaipāpāho o Whakaata Māori i ahu mai anō i taua reanga. He māia tō rātou kia tū pakari ai i te ao o te Pākehā me tō rātou ao Māori.

Hei whakakapi ake, mōkōri anō kia mihia te hunga i whakamānu i te kaupapa whakaora reo nei, a te Kōhanga Reo, mei kore ake rātou kua kore pea te reo e ora pēnei ana i ēnei rā. Engari, kei pōhēhē tātou kua ora pai te reo. E kāo. He nui tonu ngā mahi kia whāngai atu tēnei taonga ki ngā reanga e whai ake nei. “Ko te manu e kai ana i te miro, nōna te ngahere; ko te manu e kai ana i tōna ake reo me te mātauranga, nōna te ao!” Kei ngā manu huia, kei ngā manu mātārae, tēnā rā koutou katoa.

**MAHERE WHAKAARO
PLANNING**ASSESSOR'S
USE ONLY

Whakaraupapahia ngā kīwaha, ngā whakataukī ka whakamahia e koe ki tēnei pouaka.
Use the box below to brainstorm your ideas.

Whakaritea āu tuhinga ki ngā pouaka ki raro nei.
Use the boxes below to plan your answer.

Tīmatanga
Introduction

He whakaaro
Ideas

- 1.
- 2.
- 3.

Whakamutunga
Conclusion

